

VLADA FEDERACIJE BOSNE I HERCEGOVINE

Prijedlog

**UREDBA O NAČINU I PROCEDURAMA PRIJAVLJIVANJA
DRŽAVNE POMOĆI U FEDERACIJI BOSNE I HERCEGOVINE**

Decembar 2013. godine

Na osnovu člana 19. stav 2. Zakona o Vladi Federacije Bosne i Hercegovine (Službene novine Federacije BiH br. 1/94, 8/95, 58/02, 19/03, 2/06 i 8/06) i čl. 4., 13., 14. i 24. Zakona o sistemu državne pomoći u Bosni i Hercegovini („Službeni glasnik BiH“, broj: 10/12), Vlada Federacije Bosne i Hercegovine, na svojoj _____ sjednici održanoj _____ donosi

U R E D B U

O NAČINU I PROCEDURAMA PRIJAVLJIVANJA DRŽAVNE POMOĆI U FEDERACIJI BOSNE I HERCEGOVINE

Član 1.

Ovom Uredbom propisuje se način, postupak i Obrazac za prijavljivanje programa državne pomoći propisanih odgovarajućim aktom za tu vrstu pomoći i pojedinačnih državnih pomoći izvan utvrđenih programa državne pomoći u Federaciji Bosne i Hercegovine.

Član 2.

- (1) Davaoci državne pomoći u smislu ove Uredbe su: federalne, kantonalne, gradske i općinske uprave putem ovlaštenih pravnih lica, te svako pravno lice koje dodjeljuje ili upravlja državnom pomoći u smislu Zakona o sistemu državne pomoći u Bosni i Hercegovini.
- (2) Za sve planirane oblike državne pomoći davaoci državne pomoći su dužni da imaju osigurana sredstva u budžetu, odnosno finansijskom planu izuzev obika državne pomoći koja se odnosi na porezne olakšice, umanjeње doprinosa za socijalno osiguranje i otpisivanje dugovanja.

Član 3.

- (1) Davalac državne pomoći dužan je da prije dodjele državne pomoći podnese prijavu državne pomoći Federalnom ministarstvu finansija/Federalnom ministarstvu financija (u daljem tekstu: Ministarstvo).
- (2) U slučaju da poslije podnošenja prijave dođe do promjene već prijavljene državne pomoći, davalac državne pomoći je dužan ovu promjenu prijaviti Ministarstvu.

Član 4.

- (1) Prijava se podnosi Ministarstvu na Obrascu za prijavljivanje programa državne pomoći, koji se nalazi u prilogu ove Uredbe i čini njen sastavni dio (Prilog 1), a može se preuzeti na internet stranici Ministarstva.

Član 5.

- (1) U postupku prijavljivanja državne pomoći podnosilac prijave je dužan da se pozove i da se pridržava Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine ("Službene novine Federacije BiH", broj: 99/13).
- (2) Podnosilac prijave dužan je da uz podnesenu prijavu priloži svu neophodnu dokumentaciju ili ovjerene kopije iste kojima se potvrđuje ispravnost podataka navedenih u prijavi.

Član 6.

U slučaju nepotpunog prijavljivanja državne pomoći, Ministarstvo u roku od 20 dana od dana prijema prijave državne pomoći traži potrebne dodatne podatke i dokumentaciju.

Član 7.

Podnosilac prijave dužan je podnijeti tražene dodatne podatke i dokumentaciju u roku od 15 dana od dana prijema zahtjeva Ministarstva.

Član 8.

Ministarstvo ispituje prijave za dodjelu novih državnih pomoći i prijave za značajno mijenjanje postojeće državne pomoći, te daje mišljenje da li su prijavljeni programi i pojedinačne držane pomoći u skladu sa propisima o sistemu državne pomoći.

Član 9.

- (1) Ministarstvo ima obavezu da prijavu sa mišljenjem u roku od 30 dana dostavi Vijeću za državnu pomoć Bosne i Hercegovine.

Član 10.

Podnosioci prijave dužni su voditi evidenciju i arhivu dokumenata o svim vrstama državne pomoći u periodu od deset godina počevši od datuma kada je državna pomoć dodijeljena.

Član 11.

Ova Uredba stupa na snagu osmog dana od dana objavljivanja u „Službenim novinama Federacije BiH“, a primjenjivat će se od 01.01.2014. godine.

V. broj: _____/13
_____2013. godine
Sarajevo;

P R E M I J E R

Nermin Nikšić